



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

I. Initio seculi decimiertij Ecclesia Gallicana tuebatur Libertates suas, solo dissensi. Conventus Bituricensis contradixit mandatis Romani Cardinalis, de collatione duarum præbendarum in unaquaque ...

**urn:nbn:de:hbz:466:1-15591**

*Domino docente, tolerare decrevimus. Deinde Paschalem excusat, si necessitate cogente, ad vitandam populi stragem, prudenter rigorem decreti remisit.*

[Eiusdem argumentum extat epistola Hildeberti Cenomanensis in tomo i v. Spicilegium Dacheriani, quam nos olim dabimus emendatiorem in nova quam paramus editione epistolarum ac reliquarum lucubrationum illius Episcopi.] Steph. Baluzius.

*privilegium apostolica sedis ea de re praecesserat.*

X. Lex ista videtur contraria constitutio Innocentij III. qui admittit ad beneficia undeconque natos. Innocentij constitutio aqua est in sua specie. Veteri iure, Episcopi eligendi e clerici cuiusque civitatis. Fus illud ex parte resumendum lege Caroli, ut saltem in regno petantur. Diu reguli deducit ex illa constitutione.

C A P V T I X.

### Synopsis.

I. Initio seculi decimoterii Ecclesia Gallicana incepatur Libertates suas, solo diffensu. Conventus Bituricensis contradixit mandatis Romani Cardinalis, de collatione duarum praebendarum in unaquaque Ecclesia. Ea de causa Legatus absinuit ab executione mandati.

*II. Eodem seculo Lincolniensis Episcopus his collationibus non consensit. Ejus rationes; & contradicitione aliena à contumacia. Clausula. Non obstante, iuncte invadescere cœpit.*

*III. Non admissis quoque rescriptis illis, Galli iura sua tuebantur, Olim Clerici à Pontificibus commendati. Deinde adjuncte sunt mina excommunicatioyum Initium hujus coactionis circa tempus Lucij III.*

*IV. Episcopi Gallicani in his angustiis patrocinium regium implorarunt. Tuitionis regie pro custodia castorum nondum erat deleta memoria in tertia dynastia ut probatur ex Ivone. Eam tuitionem à B. Ludovico expopserit Ecclesia Gallica, ad conservanda iuris Collationum, & iuri dictiōnem, adversus novitates cui rei Ludovicus profexit suo Edicto.*

*V. Inde est quod Philippus IV. monuit Clementem  
et ministerium Episcoporum impediret in causa Tem-  
plariorum. Se, salvo sacramento suo, id tolerare non  
posse.*

*VI. Quod explicandum est de sacramento praesito tempore inaugurationis regie. Ejus antiqua formula, qua promittitur conservatio privilegij canonici, à Philippo. Qua dulca videtur à formula concepta ab Henrico. Ea dicta est olim perdonatio, non sacramentum Imperatores C P. Spondebant fidei & canonum custodiā.*

*VII. Fure collationum & electionum sublato per Reservations & Gratis expectativas, regium auxilium imploratur ad Ecclesias Gallicana ad corrum restitucionem, Carolus VI. jus antiquum adversari novitates Edictis suis ea in parte restituit, & magistratibus suis executionem commisit.*

VIII. Decreta Basiliensis confirmata lege regia, cuius executio mandata iudicibus regis, qui conuentu plebiter. Comitia regni praesidium Libertatum Ecclesie Gallicane à solo Rege expectandum fatentur anno millesimo quadragesimo nonagesimo tertio Reges prospexitse canonum restituitioni, lege generali, & iunctu magistris exequendi cura. Quod probatur Editis B. Ludovici & Caroli VI. & VII.

*I. X. Aliquando Reges ex officio novitates adversus  
mores receptos repellebant, si ex iis detrimentum regni  
sequeretur. Id factum a Carolo V I I, lege data, qua  
extraneos à beneficiis removebat. Renente Papa bis  
incommodis consulere, imperio suo id egit. Nullum*

**P**ER STABAT adhuc idem usus in Gal-  
lia anno M C C X X V I . per solum dis-  
fensum Regis , Episcoporum , & Procerum ,  
Libertates suas tuente Ecclesia Gallicana ,  
Cùm enim Romanus Cardinalis Concilium  
illius Ecclesiae Biturigibus coëgisset , ut Al-  
bigensium & Comitis Tolofani negotiis  
prospiceretur , re illa conœcta , de reserva-  
tione duarum præbendarum in unaquaque  
Ecclesia vel monasterio , arbitrio Summi  
Pontificis Romanis Clericis conferenda-  
rum , cum Episcopis & Abbatibus agere  
volut. Sed Procuratores Capitulorum (qui  
bus abeundi copiam Legatus fecerat , quasi  
Concilio soluto , ne intercessionibus suis om-  
nia turbarent ) cum eo graviter expostula-  
runt , quod mandatum Papæ in Concilio  
non exposuisset , ipsis praesentibus , quorum  
maxime intererat : Legatum rogant ut ab ea  
re persequenda temperet , quæ absque gravi  
scandalo & omnium offensione effectui tra-  
di non posset , & cui renituntur non solum  
Episcopi , sed etiam Rex ipse , & proceres  
regni . Aliam esse rationem Galliarum &  
longè diversam à ceteris regnis . In illis enim  
mandatis Papæ decretam fuisse Præbenda-  
rum reservationem , sed in Gallicana Eccle-  
sia , rem istam adeo insolitam , totius regni  
consensu indigere . Reculit Matthæus Paris  
Procurator Capituli Ecclesie Gallicanae .

Procuratorum suggestionem his verbis: unde rogamus in Domino ne istud scandalum orietur per vos in Ecclesia Gallicana, scientes quid sine maximo scando & inestimabili danno non posse hoc ad effectum perdidi. Quia esto quid aliquis assentire, nullus esset ejus assensus in rebus que omnes tanguntur; cum ferè omnes maiores, & generaliter omnes subditi, necnon & ipse Rex, & omnes Principes, parati sint contradicere & resistere usque ad capitinis expositionem & omnis honoris privationem; præserit cum videatur imminentia propter hoc scandalum subversio regni & Ecclesie generalis. Ratio autem nosfri timoris est, quod cum ceteris regnis non habuistis rationem, & quibusdam Episcopis præcepistis & Abbatibus ut cum præbende vacaverint, ad opus Domini Pape reseruent. Literis Pontificis palam lectis, quibus duarum præbendarum collatio retinebatur, Legatus præceptis exhaustis, persuadere conatus est Concilio ut consensum huic mandato præberet. Sed cum nihil obtinere posset, imò vero Procuratores Capitulorum sapienter monerent

cavendam esse generalem secessionem, si universa Ecclesia premeretur, subjunxit Legatus, super hac quidquid precepit, tali conditione licet tacita intellexisse, si Imperium & alia regna consentirent. Adjunxit se nihil amplius super hac attentaturum, donec per regna alia Prelati consenserint, quod creditur provenire non posse. Vnde patet in re nova constituenta per Gallias, consensum Regis, Episcoporum, & procerum exquisitum fuisse à Legato, eumque à rescripto exequendo abstinuisse, ob Clericorum totiusque regni dissensum, & ob scandali imminentis & secessione periculum.

II. Eodem animo tuendae libertatis canonice ferebatur Robertus Lincolniensis Episcopus in Anglia, vir singulari pietate conspicuus: qui non expectato synodali decreto, sibi liberum putavit præcepto cuidam Innocentij IV. de conferenda Præbenda in sua Ecclesia reniti; quia juri recepto contrarium erat. *Noverit*, inquit, *discretio vestra quid mandatis apostolicis affectione filiali devoe & reverenter obedio; tis quoque que mandatis apostolicis aduersantur, paternum Zelans honorem, adversor & obsto.* Ad utrumque enim teneorex divino mandato. Infrā: Propter hoc his que in predicta litera continentur, unicè, filialiter, & obedienter non obedio, contradico, rebello. Mox: Breviter autem recolligens dico, apostolice sedis sanctitas non potest nisi que in edificationem sunt, & non in destructionem. Hę autem quas vocant provisiones, non sunt in edificationem, sed in manifestissimam destructionem. Non igitur eas potest beata sedes apostolica acceptare; quia caro & sanguis, que regnum Dei non possidebunt, eas revelavit, & non Pater Domini nostri Iesu Christi qui est in celis. Nec omitendum est, clausulam illam solennem, quæ in omnibus rescriptis hodie inseritur, non obstante constitutione hac vel illa, jam tum usurpari cœpisse. quod agre ferebat Robertus Lincolniensis, eo quòd in statuentibus inconstantiam designaret, cùm tamen leges constantia quadam & perpetuitate vigeant, nisi necessitate cogente aliquando remittenda sint. De illius litera, inquit, & ei consilium longè latèque dispersarum superaccumulato Non obstante, nec ex legis naturalis observande necessitate inducto, scatet catastrophus inconstans. Si quis immodesta cuidam petulantiae verba Roberti adscribenda putet, isante omnia Theodorici Regis Italie sententiam perpendat apud Cagliodorum: *Pro equitate servanda, & nobis patimur contradici.* Et eodem sensu Regis Athalarici: *Rarum confidentiali genus est, interdum resistere contra vota Principis.*

III. Gallis eriam nostris ea mens erat, ut

non admissis Romanæ curiæ rescriptis, quæ Collatoribus jura per canones quæsita afferabant, se ab iis novitatibus expedirent. Sed tandem Romanis Pontificibus æquum visum est ut suæ commendationis ratio haberetur. Commendationem vocavi, quia olim Episcopis Clericos aliquando fedes apostolica commendabat tantum, ut concessio Diaconi & Presbyteri gradu, eorum inopiam sublevarent; exemplo Gregorij Magni, qui Syracusano & Fanensi Episcopis duos Clericos commendavit. Sed posteri commendationes & preces in præcepta reverterunt; & præceptis, quæ, ut vidimus, à Collatoribus repudiabantur, Executores adjunxerunt, qui Episcopos ad Collationem cogerent, ut rectè explicuit Duarenus, Coactionis illius initia referri possunt ad tempora Lucij III. ad quam invitatus fuit à Stephano Tornacensi, cuius hæc sunt verba de Herveo Clerico commendato Canonico S. Aniani Aurelianensis: *Scripsit pro eo* Stephanus Torpa *felicitis recordationis pater Alexander (III.) Decanu & Canonicis sancti Aniani Aurelianensis. Scripsitis & vos primò & secundo. Sed neque preces neque preceptum vestram, quamvis tres prebende vacarent, voluerant audire. Abst, Pater, ut inanes sint preces vestre, contemptibilis auctoritas, elusorium præceptum; & nunc demum tanta, si placet, virtute intonet super eos majestas vestra, ut qui blanditiis juvari non potuerant, imperio discant vinci.*

IV. Cùm ergo Collationes beneficiorum, imo & episcopatum, & monasteriorum, ad se traherent Romani Pontifices, resistentes si quid contra eorum rescripta ageretur, additis excommunicationibus in contumaces, nihil reliqui erat penes Episcopos Gallicanos quin adeo severis præceptis parerent & Collationum jure caderent. Quare ad remedium extraordinarium congerunt, scilicet ad tuitionis regiæ præsidium, pietate Regis Ludovici X. interpellata, qui his morbis editio suo consuluit. Nondum enim oblitterata erat in Gallia, præ custodia canonum, Regum nostrorum auctoritas: quam ab Ivone commendatam sciebant anno Mxcvi. Consultus enim à Philippo Rege quid agendum esset, si post habita eo anno duo Concilia ab Urbano II. Nemausi & apud Clarummontem, Hugo Legatus apostolicæ sedis ad tertium Episcopos invitaret, (quod alienum erat à canonibus, qui duas synodos tantum celebrandas præscribunt) respondet Ivo se nihil rescivisse de consilio Legati. *Quod tamen si faceret, non esset hec apostolica institutio, vel ecclesiastica consuetudo. Quod si quis eos (id est, Episcopos) ultra terminos à patribus constitutos ang-* Ff ij

*Gregor. I. 1. ep. 141.  
I. 5. ep. 47.*

*Franc. Duarenus  
lib. 1. de fact. Eccl. ministr. cap. 8.*

*Vide lib. 6. cap.  
31. §. 7.*

*Ivo ep. 16.*